

[www.banglainternet.com](http://www.banglainternet.com)

MICHAEL MADHUSUDAN DUTT  
**nana Kavita**

## নানা কবিতা

### বাল্যরচনা

#### বর্ষাকাল

গভীর গর্জন সদা করে জলধর,  
উথলিল নদনদী ধরণী উপর।  
রমণী রমণ লয়ে, সুখে কেলি করে,  
দানবাদি দেব, যক্ষ সুখিত অন্তরে।  
সমীরণ ঘন ঘন ঝন ঝন রব,  
বরুণ প্রবল দেখি প্রবল প্রভাব।  
স্বাধীন হইয়া পাছে পরাধীন হয়,  
কলহ করয়ে কোন মতে শাস্ত নয়।

#### হিমঋতু

হিমস্তের আগমনে সকলে কল্পিত,

রামাগণ ভাবে মনে হইয়া দুঃখিত।  
মনাগুনে ভাবে মনে হইয়া বিকার,  
নিবিল প্রেমের অগ্নি নাহি জ্বলে আর।  
ফুরায়েছে সব আশা মদন রাজার  
আসিবে বসন্ত আশা— এই আশা সার।  
আশায় আশ্রিত জানে নিরাশ করিলে,  
আশাতে আশার বশ আশায় মারিলে।  
সৃষ্টিয়াছি আশাতরু আশিত হইয়া,  
নষ্ট কর হেন তরু নিরাশ করিয়া।  
যে জন করয়ে আশা, আশার আশ্বাসে,  
নিরাশ করয়ে তারে কেমন মানসে।

#### গান

#### প্রস্তাবনা

রাগিণী খাম্বাজ, তাল মধ্যমান  
মরি হায়, কোথা সে সুখের সময়,  
যে সময় দেশময় নাট্যরস সবিশেষ ছিল রসময়!  
তন গো ভারতভূমি,  
কত নিদ্রা যাবে তুমি  
আর নিদ্রা উচিত না হয়।  
উঠ ত্যজ ঘুম ঘোর,  
হইল, হইল ভোর,  
দিনকর প্রাচীতে উদয়।  
কোথায় বাল্মীকি, ব্যাস,  
কোথা তব কালিদাস,  
কোথা ভবভূতি মহোদয়।  
অলীক কুনাট্য রঙ্গে,  
মজে লোক রাড়ে বঙ্গে,  
নিরখিয়া প্রাণে নাহি সয়।  
সুধারস অনাদরে  
বিষবারি পান করে।

তারে হয় তনু মনঃ ক্ষয়।  
মধু ললে জাগ মা গো,  
বিড় স্থানে এই মাগ,  
সুরসে প্রবৃত্ত হউক তব তনয় নিচয়।

#### উপসংহার

রাগিণী বসন্ত, তাল ধীমা তেতাল  
জন হে সভাজন!  
আমি অভাজন,  
দীন ক্ষীণ জ্ঞানগুণে,  
ভয় হয় দেখে জনে,  
পাছে কপাল বিগুণে  
হারাই পূর্ক মূলধন!  
যদি অনুরাগ পাই,  
আনন্দের সীমা নাই,  
এ কায়েতে একঘাই,  
নিব দরশন!\*

## গীতিকবিতা

### আশ্র-বিলাপ

আশার ছলনে তুলি কি ফল লভিনু, হায়,  
তাই ভাবি মনে?  
জীবন-প্রবাহ বহি কাল-সিন্ধু পানে যায়,  
ফিরাব কেমনে?  
দিন দিন আয়ুহীন, হীনবল দিন দিন,—  
তবু এ আশার নেশা ছুটিল না? এ কি দায়!

রে প্রমত্ত মন মম! কবে পোহাইবে রাত্তি?  
জাগিবি রে কবে?  
জীবন-উদ্যানে তোর যৌবন-কুসুম-ভাতি  
কত দিন রবে?  
নীর-বিন্দু দুর্কাদলে, নিত্য কি রে ঝলঝলে?  
কে না জানে অধুবিষ অধুমুখে সদ্যঃপাতি?

নিশার স্বপ্ন-সুখে সুখী যে, কি সুখ তার?  
জাগে সে কাঁদিতো!  
ক্ষণপ্রভা প্রভা-দানে বাড়ায় মাত্র আঁধার  
পথিকে ধাঁধিতে!  
মরীচিকা মরুদেশে, নাশে প্রাণ ত্যাক্রেশে;—  
এ তিনের ছল সম ছল রে এ কু-আশার।

প্রেমের নিগড় গড়ি পরিলি চরণে সাদে;  
কি ফল লভিলি?  
জ্বলন্ত-পাবক-শিখা- লোতে তুই কাল-ফাঁদে  
উড়িয়া পড়িলি!  
পতঙ্গ যে বসে ধায়, ধাইলি, অবোধ, হায়!  
না দেখিলি, না গুনিলি, এবে রে পরাণ কাঁদে!

বাকী কি রাখিলি তুই বৃথা অর্থ-অন্বেষণে,  
সে সাধ সাধিতে?  
ক্ষত মাত্র হাত তোর মৃগাল-কণ্টকগণে  
কমল তুলিতে!  
নারিলি হরিতে মণি, মধুশিল কেবল ফণী!  
এ বিষম বিষজ্বালা তুলিবি, মন, কেমনে!

যশোলাভ লোভে আয়ু কত যে ব্যয়িলি হায়,  
কব তা কাহারে?  
সুগন্ধ কুসুম-গন্ধে অন্ধ কীট যথা ধায়,  
কাটিতে তাহারে,—  
মাৎসর্য-বিষদশন, কামড়ে রে অনুক্ষণ!  
এই কি লভিলি লাভ, অনাহারে, অনিদ্রায়!

মুকুতা-ফলের লোভে, ডুবে রে অতল জলে  
যতনে ধীরে,  
শতমুক্তাধিক আয়ু কালসিন্ধু জালতলে  
ফেলিস, পামর!  
ফিরি দিবে হারাধন, কে তোরে, অবোধ মন,  
হায় রে, তুলিবি কত আশার কুহক-ছলে!

#### বঙ্গভূমির প্রতি

"My native Land, Good night!"  
—Byron  
রেখো, মা, দাসেরে মনে, এ মিনতি করি পদে।  
সাধিতে মনের সাদ,  
ঘটে যদি পরমাদ,  
মধুহীন করো না গো তব মনঃকোকনদে।  
প্রবাসে, দৈবের বশে,  
জীব-ভারা যদি খসে  
এ দেহ-আকাশ হতে,— নাহি খেদ তাহে।  
জন্মিলে মরিতে হবে,  
অমর কে কোথা কবে,  
চিরস্থির কবে নীর, হায় রে, জীবন-নদে?  
কিন্তু যদি রাখ মনে,  
নাহি, মা, ভরি শমনে;  
মক্ষিকাও গলে না গো, পড়িলে অন্ত-হৃদে!  
সেই ধন্য নরকুলে,  
লোকে যারে নাহি ভুলে,  
মনের মন্দিরে সদা সেবে সর্বজন:—  
কিন্তু কোন গুণ আছে,  
যাচিব যে তব কাছে,  
হেন অমরতা আমি, কহ, গো, শ্যামা জন্মদে!  
তবে যদি দয়া কর,  
ভুল দোষ, গুণ ধর,  
অমর করিয়া বর দেহ দাসে, সুবরদে!—  
ফুটি যেন স্মৃতি-জলে,  
মানসে, মা, যথা ফলে  
মধুময় তামরস কি বসন্ত, কি শরদে!

\* 'মিলা' নাটকের প্রথম সংস্করণে ছিল। তৃতীয় সংস্করণ থেকে পরিষ্কার হয়েছে।

## নীতিগর্ভ কাব্য

### ময়ূর ও গৌরী

ময়ূর কহিল কাঁদি গৌরীর চরণে,  
কৈলাস-ভবনে;—  
“অবধান কর দেখি,  
আমি ভৃত্য নিত্য সেবি  
প্রিয়োত্তম সূতে তব এ পৃষ্ঠ-আসনে।  
রথী যথা দ্রুত রথে,  
চলেন পবন-পথে  
দাসের এ পিঠে চড়ি সেনানী সুমতি;  
তবু, মা গো, আমি দুখী অতি!  
করি যদি কেকাধনি,  
ঘৃণায় হাসে অমনি  
খেচর, ভূচর জন্তু:— মরি, মা, শরমে!  
ডালে মুড় পিক যবে  
গায় গীত, তার রবে  
মাতিয়া ঋগৎ-জন বাখানে অধমে!  
বিবিধ কুসুম কেশে  
সাজি মনোহর বেশে,  
বরেন বসুধা দেবী যবে ঋতুবরে  
কোকিল মঙ্গল-ধ্বনি করে।  
অহরহ কুহুধ্বনি বাজে বনস্থলে;  
নীরবে থাকি, মা, আমি; রাগে হিয়া জ্বলে!  
ঘুচাও কলঙ্ক শুভঙ্করি,  
পুত্রের কিঙ্কর আমি এ মিনতি করি,  
পুত্রের কিঙ্কর আমি এ মিনতি করি,  
পা দুখানি ধরি।”  
উত্তর করিলা গৌরী সুমধুর স্বরে:—  
“পুত্রের বাহন তুমি খ্যাত চরাচরে,  
এ আক্ষেপ কর কি কারণে?  
হে বিহঙ্গ, অঙ্গ-কান্তি ভাবি দেখ মনে!  
চন্দ্রকলাপে দেখ নিজ পুঙ্খ-দেশে;  
রাখাল রাজার সম চূড়াখানি কেশে!  
আখন্ডল-ধনুর বরণে  
মস্তিলা সু-পুঙ্খ ধাতা তোমার সৃজনে!  
সদা জ্বলে তব গলে  
স্বর্ণহার ঝল ঝলে,  
যাও, বাছা, নাচ গিয়া ঘনের গর্জনে,  
হরষে সু-পুঙ্খ খুলি

শিরে স্বর্ণ-চূড়া তুলি;  
করণে কেলি ব্রজ-কুঞ্জ-বনে।  
করতালি ব্রজাঙ্গনা  
দেবে রঙ্গে বরাসনা—  
তোষ গিয়া ময়ূরীয়ে প্রেম-আলিঙ্গনে!  
শুন বাছা, মোর কথা শুন,  
দিয়াছেন কোন কোন গুণ,  
দেব সনাতন প্রতি-জানে;  
সু-কলে কোকিল গায়,  
বাজ বজ্র-গতি ধায়,  
অপরূপ রূপ তব, খেদ কি কারণে?”—  
নিজ অবস্থায় সদা স্থির যার মন,  
তার হতে সুখীতর অন্য কোন জন?

### কাক ও শূগালী

একটি সন্দেশ চুরি করি,  
উড়িয়া বসিলা বৃক্ষোপরি,  
কাক, হুট-মনে;  
সুখানোর রাস পেয়ে,  
আইল শূগালী ধেয়ে,  
দেখি কাকে কহে দুঃখী মধুর বচনে;—  
“অপরূপ রূপ তব, মরি!  
তুমি কি গো ব্রজের শ্রীহরি,—  
গোপিনীর মনোবাঞ্ছা?— কহ গুণমণি!  
হে নব নীরদ-কান্তি,  
ঘুচাও দাসীর আন্তি,  
যুড়াও এ কান দুটি করি বেণু-ধ্বনি!  
পুণ্যবতী গোপ-বধু অতি!  
তেঁই তারে দিলা বিধি,  
তব সম রূপ-নিধি,—  
মোহ হে মদনে তুমি: কি ছার যুবতী?  
গাও গীত, গাও, সাথে করি এ মিনতি!  
কুড়াইয়া কুসুম-রতনে  
গাঁথি মালা সুচারু গাঁথনে,\*

### রসাল ও স্বর্ণ-লতিকা

রসাল কহিল উচ্চ স্বর্ণলতিকারে:—  
“শুন মোর কথা, ধনি, নিন্দ বিধাতারে!

নিদারূপ তিনি অতি;  
নাহি দয়া তব প্রতি;  
তেঁই ক্ষুদ্র-কায়া করি সৃজিলা তোমারে।  
মলয় বহিলে, হায়,  
নতশিরা তুমি তায়,  
মধুকর-ভরে তুমি পড় লো ঢলিয়া;  
হিমাদ্রি সদৃশ আমি,  
বন-বৃক্ষ-কুল-স্বামী,  
মেঘলোকে উঠে শির আকাশ ভেদিয়া!  
কালাগ্নির মত তত্ত্ব উপন তাপন,—  
আমি কি লো ডরাই কখন?  
দূরে রাখি গাভী-দলে,  
রাখাল আমার তলে  
বিরাম লভয়ে অনুক্ষণ,—  
শুন, ধনি, রাজ-কাজ দহি পালন!  
আমার প্রসাদ ভুঞ্জ পথ-গামী জন।  
কেহ অন্ন রাধি খায়  
কেহ পড়ি নিদ্রা যায়  
এ রাজ চরণে।  
শীতলিয়া মোর ডরে  
সদা আসি সেবা করে।  
মোর অতিথির হেথা আপনি পবন!  
মধু-মাথা ফল মোর বিখ্যাত ভুবনে!  
তুমি কি তা জান না, ললনে?  
দেখ মোর ডাল-রাশি,  
কত পানী বাঁধে আসি  
বাসা এ আগারে!  
ধন্য মোর জনম সংসারে!  
কিন্তু তব দুখ দেখি নিত্য আমি দুখী:  
নিন্দ বিধাতায় তুমি, নিন্দ, বিধুযুধি!\*\*\*  
যুদ্ধার্থ গঞ্জীরতার বাণী তব পানে!  
সুধা-আশে আসে অলি,  
দিলে সুধা যায় চলি,—  
কে কোথা কবে গো দুখী সখার মিলনে?  
“ক্ষুদ্র-মতি তুমি অতি”  
রাগি কহে তরুপতি,  
“নাহি কিছু অভিমান? দিক্ চন্দ্রাননে!”  
নীরবিলা তরুরাজ; উড়িল গগনে  
যমদূতাকৃতি মেঘ গঞ্জীর স্বননে;  
আইলেন প্রভঞ্জন,

সিহেনাদ করি ঘন,  
যথা ভীম ভীমসেন কৌরব-সমরে।  
আইল খাইতে মেঘ দৈত্যকুল রড়ে:  
ঐরাবত পিঠে চড়ি  
রাগে দাঁত কড়মড়ি,  
ছাড়িলেন বজ্র ইস্ত্র কড় কড় কড়ে!  
উরু ভাঙ্গি কুরুরাজে বধিলা যেমতি  
ভীম যোধপতি;  
মহাঘাতে মড়মড়ি  
রসাল ভূতলে পড়ি,  
হায়, বায়ুবলে  
হারাইলা আয়ু-সহ দর্প বনস্থলে!  
উর্ধ্বশির যদি তুমি কুল মান ধনে;  
করিও না ঘৃণা তবু নীচশির জনে!  
এই উপদেশ কবি দিলা এ কৌশলে।

### অশ্ব ও কুরঙ্গ

১  
অশ্ব, নবদূর্কাময় দেশে,  
বিহরে একেলা অধিপতি।  
নিত্য নিশা অবশেষে  
শিশিরে সরস দূর্বা অতি।  
বড়ই সুন্দর স্থল,  
অদূরে নির্ঝরে জল,  
তরু, লতা, ফল, ফুল,  
বন-বীণা অলিকুল;  
মধ্যাহ্নে আসেন ছায়া,  
পরম শীতল কায়া,  
পবন ব্যঞ্জন ধরে,  
পত্র যত নৃত্য করে,  
মহানন্দে অশ্বের বসতি।

২  
কিছু দিনে উজ্জ্বলনয়ন,  
কুরঙ্গ সহসা আসি দিল দরশন।  
বিষয়ে চৌদিকে চায়,  
যা দেখে বাখানে তায়,  
কতক্ষণে হেরি অশ্ব কহে মনে মনে:—  
“হেন রাজ্যে এক প্রজা এ দুঃখ না সহে!  
তোমার প্রসাদ চাই,

\* কয়েকটি চরণ পাওয়া যায় নি।

\* \* কয়েকটি চরণ পাওয়া যায় নি।

শুন হে বন-গোঁসাই,  
আপদে, বিপদে দেব, পদে দিও ঠাই।”

৩

এক পার্শ্ব করি অধিকার,  
আরঞ্জিল কুরঙ্গ বিহার;  
খাইল অনেক ঘাস,  
কে গণিতে পারে গ্রাস?

আহার করণান্তরে  
করিল পান নির্ঝরে;  
পরে মৃগ তরুতলে  
নিদ্রা গেল কুতূহলে—  
গৃহে গৃহস্বামী যথা বলী স্বতুবলে।

৪

বাক্যহীন ক্রোধে অশ্ব, নিরখি এ লীলা,  
ভোজবাজি কিম্বা স্বপ্ন! নয়ন মুদিল;  
উন্মীলি রূপেক পরে কুরঙ্গ দেখিলা,  
রঙ্গ স্তয়ে তরুতলে;  
দ্বিগুণ আঙন হৃদে জ্বলে;  
তীক্ষ্ণ ক্ষুর আঘাতনে ধরণী ফাটিল,  
ভীম হ্রোষা গগনে উঠিল।  
প্রতিধ্বনি ছৌদিকে জাগিল।

৫

নিদ্রাভঙ্গে মৃগবর  
কহিলা, “ওরে বর্বর!  
কে তুই, কত বা বল?  
সং পড়সীর মত  
না থাকিবি, হবি হত।”

কুরঙ্গের উজ্জ্বল নয়ন  
ভাতিল সরোষে যেন দুইটি তপন।

৬

হয়ের হৃদয়ে হৈল ভয়,  
ভাবে এ সামান্য পশু নয়,  
শিরে শৃঙ্গ শাখাময়!  
প্রতি শৃঙ্গ শূলের আকার  
বুঝি বা শূলের তুল্য ধার,  
কে আমারে দিবে পরিচয়?

৭

মাঠের নিকটে এক মৃগয়ী থাকিত,  
অশ্ব তারে বিশেষ চিনিত।  
ধরিতে এ অশ্ববরে,  
নানা ফাঁস নিরন্তরে  
মৃগয়ী পাতিত।  
কিন্তু সৌভাগ্যের বলে, তুরঙ্গম মায়া-ছলে  
কছু না পড়িত।

৮

কহিল তুরঙ্গ:—“পশু উচ্ছৃঙ্খলধারী—  
মোর রাজ্য এবে অধিকারী;  
না চাহিল অনুমতি,  
কর্কশভাষী সে অতি;  
হও হে সহায় মোর,  
মারি দুই জনে চোর।”

৯

মৃগয়ী করিয়া প্রতারণা,  
কহিলা, “হা! এ কি বিভ্রমণা!  
জানি সে পশুরে আমি,  
বনে পশুকূলে স্বামী,  
শাদ্দুলে, সিংহেরে নাশে,  
দশ্বে বন বিষম্বাসে;  
একমাত্র কেবল উপায়:—  
মুখস ও মুখে পর,  
পৃষ্ঠে চর্মাসন ধর,  
আমি সে আসনে বসি,  
করে ধনুর্কোণ অসি,  
তা হলে বিজয় লভা যায়।”

১০

হায়! ক্রোধে দৃষ্ট অশ্ব অশ্ব, কুছলে ডুলিল;  
লাফে পৃষ্ঠে দৃষ্ট সাদী অমনি চড়িল।  
লোহার কণ্টকে গড়া অস্ত্র, বাঁধা পাদুকায়,  
তাহার আঘাতে প্রাণ যায়।  
মুখস নাশিল গতি ভয়ে হয় ক্ষিণমতি,  
চলে সাদী যে দিকে চালায়।

১১

কোথা অরি, কোথা বন,  
সে সুখের নিকেতন?

দিনান্তে হইলা বন্দী আঁধার-শালায়।  
পরের অনিষ্ট হেতু ব্যগ্র যে দুর্ঘটি,  
এই পুরস্কার তার কহেন ভারতী;  
ছায়া সম জয় যায় ধর্মের সংহতি।

## দেবদৃষ্টি

শচী সহ শচীপতি স্বর্ণ-মেঘাসনে,  
বাহিরিলা বিশ্ব দরশনে।  
আরোহি বিচিত্র রথ,  
চলে সঙ্গে চিত্ররথ,  
নিজদলে বিমন্ডিত অস্ত্র আভরণে,  
রাজাজ্ঞায় আশুগতি বহিলা বাহনে।  
হেরি নানা দেশ সুখে,  
হেরি বহু দেশ দুঃখে—  
ধর্মের উন্নতি কোন স্থলে;  
কোথাও বা পাপ শাসে বলে—  
দেব অগ্রগতি বস্তু উত্তরিল।  
কহিলা মাহেন্দ্র সতী শচী সুলোচনা,  
কোন দেশে এবে গতি,  
কহ হে প্রাণের পতি,  
এ দেশের সহ কোন দেশের তুলনা?  
উত্তরিলা অধুর বচনে  
বাসব, লো চন্দ্রাননে,  
বঙ্গ এ দেশের নাম বিখ্যাত জগতে।  
ভারতের প্রিয় মেয়ে  
মা নাই তাহার চেয়ে  
নিত্য অলঙ্কৃত হীরা, মুক্তা, মরকতে।  
সম্মেহে জাহ্নবী তারে  
মেখলেন চারি দারে  
বরণ ধোয়েন পা দু'খানি।  
নিত্য রক্ষকের বেশে  
হিমাদ্রি উত্তর দেশে  
পরেশনাথ আপনি  
শিরে তার শিরোমণি  
সেই এই বঙ্গভূমি গুন লো ইন্দ্রাণি!  
দেবাদেশে আশুগতি  
চলিলেন মুদুগতি  
উঠিল সহসা ধ্বনি  
সভয়ে শচী অমনি ইন্দ্রেরে সুধিলা,—  
নীচে কি হতেছে রণ  
কহ সাথে বিবরণ

হেন দেশে হেন শব্দ কি হেতু জন্মিলা?  
চিত্ররথ হাত জোড় করি  
কহে, শুন ত্রিদিব-ঈশ্বরী!  
'বিবাহ করিয়া এক বালক যাইছে,  
'পত্নী আসে দেখ তার পিছে।'  
সুধাংস্তর অংশুরূপে নয়ন-কিরণ  
নীচদেশে পড়িল তখন।

## গদা ও সদা

গদা সদা নামে  
কেনা এক গ্রামে  
ছিল দুই জন।  
দূর দেশে যাইতে হইল;  
দুজনে চলিল।  
ভয়ানক পথ—পাশে পশু ফণী বন,  
ভল্লুক শাদ্দুল তাহে গর্জে অনুক্ষণ।  
কালসর্প যেমতি বিবরে,  
তরুর লুকায়ে থাকে গিরির গহ্বরে,  
পথিরকের অর্থ অপহরে  
কখন বা প্রাণনাশ করে।  
কহে সদা গদারে আহ্বানি  
কর কিরা পশি মোর পাণি  
ধর্মে সাক্ষী মানি,  
আজি হতে আমরা দুজন  
হনু একপ্রাণ একমন,—  
সুন্দ উপসুন্দ যথা— জান সে কাহিনী।  
আমার মঙ্গল যাহে,  
তোমার মঙ্গল তাহে,  
কবচে ভেদিলে বাণ, বক্ষ ক্ষত যথা,  
অমঙ্গলে অমঙ্গল উভয়ের তথা।  
কহে গদা ধর্ম সাক্ষী করি,  
কিরা মোর তব কর ধরি,  
একাখা আমরা দোঁহে কি বাঁচি কি মরি।  
এইরূপে মৈত্র আলাপনে  
মনানন্দে চলিলা দুজনে।  
সতর্ক রক্ষকরূপে সদা গদা যেন  
বন পাশে একদৃষ্টে চাহে অনুক্ষণ,  
পাছে পশু সহসা করয়ে আক্রমণ।  
গদা চারি দিকে চায়,  
এরূপে উভয়ে যায়;  
দেখে গদা সম্মুখে চাহিয়া  
থল্যে এক পথেতে পড়িয়া।

দৌড়ে মূঢ় ধলো তুলি  
হেরে কুতূহলে খুলি  
পূর্ণ ধলো সুবর্ণমুরায়,  
ভেঁশা ভার, এত ভারি তায়।  
কহে গদা সহাস বদনে  
করেছিনু যাত্রা আজি অতি শুভ ক্ষণে  
আমরা দুজনে।  
'দুজনো?' কহিল সনা রাগে,  
"লোভ কি করিস তুই এ অর্থের ভাগে?  
মোর পূর্ক পুণ্যফলে  
ভাগ্যদেবী এই ছলে  
মোরে অর্থ দিলা।

পাপী তুই, অংশ তোরে  
কেন দিব, ক' তা মোরে  
এ কি বাগলীলা?

রবির কবের রাশি পরশি রতনে  
বরাক্ষের অস্তা তার বাড়ায় যতনে;  
কিছু পড়ি মাটির উপরে  
সে কর কি কোন ফল ধরে?  
সং যে তাহার শোভা ধনে,  
অসং নিতান্ত তুই, জনম কুক্ষণে।

এই কয়ে সনানন্দ খলো তুলে লয়ে  
চলিতে লাগিলা সুখে অঙ্গার হয়ে।  
বিষয়ে অবাক গদা চলিল পশ্চাতে,—  
বামন কি কতু পায় চারু চাঁদে হাতে?  
এই ভাবি অতি ধীরে ধীরে  
গেল গদা তিত্তি অশ্রুণীরে।

দুই পাশে শৈলকুল ভীষণ-দর্শন,  
শুভ ঘন পরশে গগন।  
গিরিশিরে বরষায় শ্রবণা যেমতি  
ভীমা স্রোতস্বতী,  
পথিক দুজনে হেরি তরুরের দল  
নাবি নীচে করি কোলাহল  
উভে আক্রমিল।  
সনা অতি কাতরে কহিল,—

অন ভাই, পাশ্বেলে যেমতি,  
বিষ্ণু রথিপতি,  
জিনি লক্ষ রাজে শূর কুম্ভায় লভিলা,  
মারে চোরে করি ব্রণ-ধীলা।  
হিসাবে করিয়া অটীয়াটি,  
এই ধন নিও পরে বাঁটি  
তরুরদলের মাথা কাটি।

কহে গদা, পাপী আমি, তুমি সৎজন,  
ধর্মবলে নিজধন করহ রক্ষণ।  
তরুর-কুল-ঈশ্বরে  
কহিল সে যোড় করে,  
অধিপতি ওই জন ভাই,  
সঙ্গী মাত্র আমি ওর, ধর্মের দোহাই।  
সঙ্গী মাত্র যদি তুই, যা চলি বর্কর,  
নতুবা ফেলিব কাটি, কহিল তরুর।  
ফাঁদে বাধা পাখী যথা পাইলে মুকতি  
উড়ি যায় বায়ু পথে অতি দ্রুতগতি,  
গদা পলাইল।  
সনানন্দ নিরানন্দে বিপদে পড়িল।  
আলোক থাকিতে তুচ্ছ কর তুমি যারে,  
বঁধু কি তোমার কতু হয় সে আধারে?  
এই উপদেশ করি দিলা এ প্রকারে।

### কুকুট ও মণি

খুঁটিতে খুঁটিতে ক্ষুদ্র কুকুট পাইল  
একটি রতন;—  
বণিক সে বাগে জিজ্ঞাসিল:  
"গোঁড়ের বলে না টুটে, এ বস্তু কেমন?"  
বণিক কহিল,— "ভাই,  
এ হেন অমূল্য রত্ন, বুকি, দুটি নাই!"  
হাসিল কুকুট গুনি:— "ততুলের কণা  
বহুমূল্যতর ভাবি:— কি আছে তুলনা?"  
"নহে দোষ তোরা, মূঢ়, দৈব এ ছলনা,  
জ্ঞান-শূন্য করিল গোসাই!"  
এই কয়ে বণিক ফিরিল।  
মূর্থ যে, বিদ্যার মূল্য কতু কি সে জানে?  
নব-কুলে পত বলি লোকে তারে মানে;—  
এই উপদেশ কবি দিলা এই ভানে।

### সূর্য ও মৈনাক-গিরি

উদয়-অচলে,  
দিবা-মুখে এক-চক্রে দিলা দরশন,  
অংক-মালা গলে,  
বিতরি সুবর্ণ-রশ্মি চৌদিকে তপন।  
ফুটিল কমল জলে  
সূর্যমুখী সুখে স্থলে,  
কোকিল গাইল তলে,  
আমোদি কানন।

ভাগে বিশ্বে নিদ্রা তাজি বিশ্ববাসী জন;  
পুনঃ যেন দেব শ্রুটি সৃজিলা মহীরে;  
সঙ্গীত হইলা সবে জনমি, অচিরে।  
অবহেলি উদয়-অচলে,  
শূন্য-পথে রথবর চলে;  
বাড়িতে লাগিল বেলা,  
পঙ্কের বাড়িল বেলা,  
রজনী তারার মেলা সর্বত্র ভাসিল;—  
কর-জালে দশ দিক হাসি উজলিল।  
উঠিতে লাগিলা ভানু নীল নভঃস্থলে;  
দ্বিতীয়-তপন-রূপে নীল সিদ্ধু-জলে  
মৈনাক ভাসিল।

কহিল গঞ্জীরে শৈল দেব দিবাকরে:—  
"দেখি তব ধীর গতি নুখে আঁধি করে:  
পাও যদি কষ্ট,—এস, পৃষ্ঠাসন দিব;  
যেখানে উঠিতে চাও, সবলে তুলিব।"  
কহিলা হাসিয়া ভানু:— "তুমি শিষ্টমতি:  
দৈববলে বগী আমি, দৈববলে গতি।"

মধ্যাকাশে শোভিল তপন,—  
উজ্জ্বল-যৌবন-প্রচন্ড-কিবণ;  
তাপিল উত্তাপে মহী; পবন বহিলা  
আঙনের শ্বাস-রূপে; সব শুকাইলা—  
ওকাল কাননে ফুল;  
প্রাণিকুল ভয়াকুল;

জলের শীতল দেহ দহিয়া উঠিল;  
কমলিনী কেবল হাসিল!  
হেন কালে পতনের দশা,  
আ মরি! সহসা  
আসি উতরিল:—

হিন্দুয় রাজাসন তাজিতে হইল;  
অধোগামী এবে রবি,  
বিধাসে মলিন-ছবি,

হেরি মৈনাকেরে পুনঃ নীল সিদ্ধু-জলে,  
সজ্জাধি কহিলা কুতূহলে:—  
"পাইতেছি কষ্ট, ভাই, পূর্কাসন লাগি;  
দেহ পৃষ্ঠাসন এবে, এই বর মাগি;  
লও ফিরে মোরে, সখে, ও মধ্য-গগনে:—  
আবার রাজত্ব করি, এই ইচ্ছা মনে।"  
হাসি উত্তরিল শৈল:— "হে মূঢ় তপন,  
অধঃপাতে গতি যার কে তার রক্ষণ!  
রমার থাকিলে কৃপা, সবে ভালবাসে:—  
কাদ যদি, সঙ্গে কাদে; হাস যদি, হাসে;

ঢাকেন বদন যবে মাধব-রমণী,  
সকলে পলায় রড়ে, দেখি যেন ফণী।"

### মেঘ ও চাতক

উড়িল আকাশে মেঘ গরজি ভৈরবে:—  
ভানু পলাইল ত্রাসে;  
তা দেখি তড়িৎ হাসে;  
বহিল নিশ্বাস ঝড়ে;  
ভাগে তরু মড়-মড়ে;  
গিরি-শিরে চূড়া নড়ে,  
যেন ভু-কম্পনে;  
অধীরা সভয়ে ধরা সাধিলা বাসবে।  
আইল চাতক-দল,  
মাগি কোলাহলে জল—  
"তৃষায় আকুল মোরা, ওহে ঘনপতি!  
এ জ্বালা জুড়াও, প্রভু, করি এ মিনতি।"  
বড় মানুষের ঘরে ব্রতে, কি পরবে,  
ভিখারী-মন্ডল যথা আসে ঘোর রবে:—

কেহ আসে, কেহ যায়;  
কেহ ফিরে পুনরায়  
আবার বিদায় চায়;  
ব্রত লোভে সবে:—  
সেইরূপে চাতক-দল,  
উড়ি করে কোলাহল:—

"তৃষায় আকুল মোরা, ওহে, ঘনপতি!  
এ জ্বালা জুড়াও জলে, করি এ মিনতি।"  
রোষে উত্তরিলা ঘনবর:—

"অপরে নির্ভর যার অতি সে পামর!  
বায়ু-রূপ দ্রুত বধে চড়ি,  
সাগরের নীল পায়ে পড়ি,  
আনিয়াছি বারি;  
ধরার এ ধার ধারি।  
এই বারি পান করি,  
মেদিনী সুন্দরী  
বৃক্ষ-লতা-শস্যচয়ে  
ফল-দুচ্ছ বিতরণে  
শিশু যথা বল পায়,  
সে রসে তাহারা খায়,  
অপরাধ রূপ-সুধা বাড়ে নিরন্তর;  
তাহারা বাঁচার, দেখ, পত-পক্ষী নর।  
নিজে তিনি হীন-গতি;

জল পিয়া আনিবারে নাহিক শক্তি;  
 তেঁই তাঁর হেতু বারি-ধারা।—  
 তোমরা কাহারা?  
 তোমাদের দিলে জল,  
 কত কি ফলিবে ফল?  
 পাখা দিয়াছেন বিধি;  
 যাও, যথা জলনিধি:—  
 যাও, যথা জলাশয়:—  
 নদ-নদী-তড়াগাদি, জল যথা রয়।  
 কি গ্রীষ্ম, কি শীত কালে,  
 জল যেখানে পালে,

সেখানে চলিয়া যাও, দিনু এ যুক্তি।”  
 চাতকের কোলাহল অতি।  
 ক্রোধে তড়িতেরে ঘন কহিলা,—  
 “অগ্নি-বাণে তাড়াও এ দলে।”  
 তড়িৎ প্রভুর আজ্ঞা মানিলা।  
 পলায় চাতক, পাখা জুলে।  
 যা চাহ, লভ সদা নিজ পরিশ্রমে;  
 এই উপদেশ কবি দিলা এই ক্রমে।

### নীড়িত সিংহ ও অন্যান্য পশু

অধিক-বয়স-ভরে হয়ে হীন-গতি,  
 সিংহ কৃশ অতি।  
 জনরব-রূপ-স্রোতে,  
 ভাসাল ঘোষণা-পোতে,  
 এই কথা:—“মৃগরাজ মগ্ন রাজকাজে;  
 প্রজাবর্গ, রাজপুরে পূজ কুল-রাজে।”  
 প্রভু-ভক্তি-মদে মাতি  
 কুরঙ্গ, তুরঙ্গ, হাতী,  
 করে করি রাজকর,  
 পালা-মতে নিরন্তর,  
 গেলা চলি রাজ-নিকেতনে,  
 অতি দ্রষ্ট মনে।

শূণাল-কুলের পালা আসি উতরিল;  
 কুল-মন্ত্রী সভা আহ্বানিল;  
 কি ভেট, কি উপহার,  
 কি পানীয়, কি আহার,—  
 এই হ.য়ে ঘোর তর্ক-বিতর্ক হইল।  
 হেন কালে আর মন্ত্রী সহাসে কহিল:—  
 “তর্কের যে অলঙ্কার তোমরা সকলে,—  
 এ বিশ্বে এ বিশ্ব-জনে বলে;

কিছু কহ দেখি, তুনি, কেন স্থানে-স্থানে  
 বহুবিধ পদ-চিহ্ন রাজ-গৃহ-পানে?—  
 ফিরে যে আসিছে, তার চিহ্ন কে মুছিল?”  
 চতুর যে সর্বদর্শী, বিপদের জালে  
 পদ তার পড়িতে পারে কোন কালে?

### সিংহ ও মশক

শঙ্খনাদ করি মশা সিংহে আক্রমিল;  
 ভব-ভলে যত নর,  
 ত্রিদিবে যত অমর  
 আর যত চরাচর,  
 হেরিতে অদ্ভুত যুদ্ধ দৌড়িয়া আইল।  
 হল-রূপ শূলে বীর, সিংহেরে বিধিল।  
 অধীর ব্যথায় হরি,  
 উচ্চ-পুচ্ছে ক্রোধ করি,  
 কহিলা:—“কে তুই, কেন  
 বৈরিভাব তোর হেন?

গুণভাবে কি জন্য লড়াই?—  
 সমুখ সমর কর; তাই আমি চাই।  
 দেখি বীরত্ব কত দূর,  
 আগাতে করিব দর্প-চুর;  
 লক্ষণের মুখে কালি  
 ইন্দ্রজিতে জয় ডালি,  
 দিয়াছে এ দেশে কবি।”  
 কহে মশা:—“ভীক, মহাপাপি,  
 যদি বল থাকে, বিষম-প্রতাপি,  
 অন্যায়-ন্যায়-ভাবে,  
 ক্ষুধায় যা পায়, খাবে;  
 ধিক, দুষ্ঠমতি!  
 মারি তোরে বন-জীবে দিব, রে, কু-মতি।”  
 হইল বিষম রণ, তুলনা না মিলে;  
 ভীম দুর্ঘোষনে,  
 ঘোর গদা-রণে,  
 হ্রদ দৈপায়নে,  
 তীরস্থ সে রণ-ছায়া পড়িল সলিলে;  
 ডরাইয়া জল-জীবী জল-জন্তুচয়ে,  
 সভয়ে মনেতে ভাবিল,  
 প্রলয়ে বুঝি এ বীরেন্দ্র-দ্বয় এ সৃষ্টি নাশিল!

✓ মেঘনাদ মেঘের পিছনে,  
 অদৃশ্য আঘাতে যথা রণে;  
 কেহ তারে মারিতে না পায়,  
 ভয়ঙ্কর স্বপ্নসম আসে,—এসে যায়

জর-জরি শ্রীরামের কটক লঙ্কায়।  
 কত নাকে, কত কাণে,  
 ত্রিশূল-সদৃশ হানে  
 হল, মশা বীর।  
 না হেরি অরিবে হরি,  
 মুহূর্ত্তঃ নাদ করি,

হইলা অধীর।

হায়! ক্রোধে হৃদয় ফাটিল;—  
 গত-জীব মৃগরাজ ভূতলে পড়িল!  
 ক্ষুদ্র শত্রু ভাবি লোক অবহেলে যারে,  
 বহুবিধ সঙ্কটে সে ফেলাইতে পারে;—  
 এই উপদেশ কবি দিলা অলঙ্কারে।

### সনেট ও সনেটকল্প কবিতা

#### কবি-মাতৃভাষা

নিজগারে ছিল মোর অমূল্য রতন  
 অগণ্য; তা সবে আমি অবহেলা করি,  
 অর্থলোভে দেশে দেশে করিণু ভ্রমণ,  
 বন্দরে বন্দরে যথা বাণিজ্যের তরী।  
 কাটাইনু কত কাপ সুখ পরিহরি,  
 এই ব্রতে, যথা তপোবনে তপোধন,  
 অশন, শয়ন ত্যজে, ইষ্টদেবে স্বরি,  
 তাঁহার সেবায় সদা সঁপি কায় মন।  
 বঙ্গকুল-লক্ষ্মী মোরে নিশার স্বপনে।  
 কহিলা—“হে বৎস, দেখি তোমার ভক্তি,  
 সুপ্রসন্ন তব প্রতি দেবী সরস্বতী!  
 নিজ গৃহে ধন-তব, তবে কি কারণে  
 ভিখারী তুমি হে আজি, কহ ধন-পতি?  
 কেন নিরানন্দ তুমি আনন্দ-সদনে?”

#### ঢাকাবাসীদিগের অভিনন্দনের উত্তরে

নাহি পাই নাম তব বেদে কি পুরাণে  
 কিছু বঙ্গ-অলঙ্কার তুমি যে তা জানি  
 পূর্ব-বঙ্গে। শোভ তুমি এ সুন্দর স্থানে  
 ফুলবৃন্তে ফুল যথা, রাজাসনে রাণী।  
 প্রতি ঘরে বাঁধা লক্ষ্মী (থাকে এইখানে)  
 নিত্য অতিথিনী তব দেবী বীণাপাণি।  
 পীড়ায় দুর্বল আমি, তেঁই বুঝি আনি  
 সৌভাগ্য, অর্পিলা মোরে (বিধির বিধানে)  
 তব করে, হে সুন্দরি! বিপজ্জাল যবে  
 বেড়ে কারে, মহৎ যে সেই তার গতি।  
 কি হেতু মৈনাক গিরি ডুবিল অর্ণবে?  
 দৈপায়ন-হ্রদতলে কুরুকুলপতি?  
 যুগে যুগে বসুকরা সাধেন মাধবে,  
 করিও না ঘৃণা মোরে, তুমি, ভাগ্যবতি!

#### পুরুলিয়া\*

পাষণময় যে দেশ, সে দেশে পড়িলে  
 বীজকুল, শস্য তথা কখন কি ফলে?  
 কিছু কত মনানন্দ তুমি মোরে দিলে,  
 হে পুরুল্যে! দেখাইয়া উকত-মন্ডলে!  
 শ্রীশ্রী সর্বস সম, হায়, তুমি ছিলে,  
 অজ্ঞান-তিমিরাস্ত্র এ দূর জঙ্গলে;  
 এবে রাশি রাশি পদ ফোটে তব জলে,  
 পরিমল-ধনে ধনী করিয়া অনিলে!  
 প্রভুর কি অনুগ্রহ! দেখ ভাবি মনে,  
 (কত ভাগ্যবান তুমি কব তা কাহারে?)  
 রাজাসন দিলা তিনি ভূপতিত জনে!  
 উজ্জলিলা মুখ তব বঙ্গের সংসারে;  
 বাড় ক সৌভাগ্য তব এ প্রার্থনা করি,  
 ভাসুক সভ্যতা-স্রোতে নিত্য তব তরি।

#### পরেশনাথ গিরি

হেরি দূরে উদ্ভাশিরঃ তোমার গগনে,  
 অচল, চিত্রিত পটে জীমূত যেমতি!  
 ব্যোমকেশ তুমি কি হে, (এই ভাবি মনে)  
 মজি তপে, ধরেছ ও পাষণ-মূর্তি?  
 এ হেন ভীষণ কায়া কার বিশ্বজনে?  
 তবে যদি নহ তুমি দেব উমাপতি,  
 কহ, কোন্ রাজবীর তপোব্রতে ব্রতী—  
 খচিত শিলার বর্ষ কুসুম-রতনে  
 তেনার? যে হর-শিরে শশিকলা হাসে,  
 সে হর কিরীটরূপে তব পুণ্য শিরে  
 চিরবাসী, যেন বাঁধা চিরপ্রেমপাশে!  
 হেরিলে তোমায় মনে পড়ে ফাল্গুনিরে  
 সেবিলা বীরেশ যবে পাণ্ডপত আশে  
 ইন্দ্রকীল নীলচূড়ে দেব ধৃঞ্জটিরে।

\* পুরুলিয়ার ধৃষ্ট-মণীকে লক্ষ্য করে লিখিত।

## কবির ধর্মপুত্র

(শ্রীমান্ ব্রীহদাস সিংহ)

হে পুত্র, পবিত্রতার জনম গৃহিলা  
আজি তুমি, করি স্নান যর্দনের নীরে  
সুন্দর মন্দির এক আনন্দে নির্ঝিলা  
পবিত্রাখ্যা বাস হেতু ও তব শরীরে;  
সৌরভ কুসুমে যথা, আসে যবে ফিরে  
বসন্ত, হিমন্তকালে। কি ধন পাইলা—  
কি অমূল্য ধন বাছা, বুঝিবে অচিরে,  
দৈববলে বলী তুমি, তম হে, হইলা।  
পরম সৌভাগ্য তব। ধর্ম বর্ষ ধরি  
পাপ-রূপ রিপু নাশো এ জীবন-স্থলে  
বিজয়-পতাকা ঠোলি রথের উপরি;  
বিজয় কুমার সেই, পোকে যাবে বপে  
ব্রীহদাসে, লভো নাম, আশীর্বাদ করি,  
জনক জননী সহ, প্রেম কুতূহলে!

## পঞ্চকোট গিরি

কাটিল মহেন্দ্র মর্ত্যে বজ্র প্রহরণে  
পর্বতকুলের পাখা; কিন্তু হীনগতি  
সে জনা নহ হে তুমি, জানি আমি মনে  
পঞ্চকোট! রয়েছে যে, —লঙ্কায় যেমতি  
বৃষ্ণকর্ণ, —রক্ষ, নর, বানরের রণে—  
শূন্যপ্রাণ, শূন্যবল, তবু ভীমাকৃতি, —  
রয়েছ যে পড়ে হেথা, অন্য সে কারণে।  
কোথায় সে রাজলক্ষ্মী, যার স্বর্ণ-জ্যোতি  
উজ্জ্বলিত মুখ তব? যথা অস্তাচলে  
দিনান্তে ভানুর কান্তি। তেয়গি তোমায়  
গিয়াছেন দূরে দেবী, তেই হে! এ স্থলে,  
মনোদুঃখে মৌন ভাব তোমার; কে পারে  
বুঝিতে, কি শোকানল ও হৃদয়ে জ্বলে?  
মণিহারী ফণী তুমি রয়েছে আঁধারে।

## পঞ্চকোটস্য রাজশ্রী

হেরিনু রমারে আমি নিশার স্বপনে;  
হাঁটু গাড়ি হাতী দুটি ঝঁড়ে ঝঁড়ে ধরে—  
পঞ্চাসন উজ্জ্বলিত শতরত্ন-করে,  
দুই মেঘরাশি-মাঝে, শোভিছে অশ্বরে,  
রবির পরিধি যেন; রূপের কিরণে  
আলো করি দশ দিশ; হেরিনু নয়নে,  
সে কমলাসন-মাঝে ভূলাতে শঙ্করে

রাজরাজেশ্বরী, যেন কৈলাস-সদনে।  
কহিলা বাগ্বেদবী দাসে (জননী যেমতি  
অবোধ শিতরে দীক্ষা দেন প্রেমাদরে),  
“বিবিধ আছিল পুণ্য তোর জন্মন্তরে,  
তেই দেখা দিলা তোরে আজি হৈমবতী  
যেভাবে করেন বাস চির রাজ-ঘরে  
পঞ্চকোট;—পঞ্চকোট—ওই গিরিপতি।”

## পঞ্চকোট-গিরি বিদায়-সঙ্গীত

হেরেছিনু, গিরিবর! নিশার স্বপনে,  
অদ্ভুত দর্শন!  
হাঁটু গাড়ি হাতী দুটি ঝঁড়ে ঝঁড়ে ধরে,  
কনক-আসন এক, দীপ্ত রত্ন-করে  
দ্বিতীয় তপন!  
যেই রাজকুলখ্যাতি তুমি দিয়াছিলি,  
সেই রাজকুললক্ষ্মী দাসে দেখা দিলা,  
শোভি সে আসন!

হে সখে! পাষণ্ড তুমি, তবু তব মনে  
ভাবরূপ উৎস, জানি, উঠে সর্বক্ষণে।  
ভেবেছিনু, গিরিবর! রমার প্রসাদে,  
তঁার দয়াবলে,  
ভাঙা গড় গড়াইব, জলপূর্ণ করি  
জলশূন্য পরিখায়; ধনুর্কর্ষণ ধরি দ্বারিগণ  
আবার রাখিবে দ্বার অতি কুতূহলে।

## হতাশা-পীড়িত হৃদয়ের দুঃখধ্বনি

ভেবেছিনু মোর ভাণ্য, হে রমাসুন্দরি,  
নিবাইতে সে রোষাগ্নি,—লোকে যাহা বলে,  
হ্রাসিতে বাণীর রূপ তব মনে জ্বলে;—  
ভেবেছিনু, হায়! দেখি, ভ্রান্তিভাব ধরি!  
ডুবাইছ, দেখিতেছি, ক্রমে এই তরী  
অদয়ে, অতল দুঃখ-সাগরের জলে  
ডুবিনু; কি যশঃ তব হবে বঙ্গ-স্থলে?

## কোন বন্ধুর প্রতি

এ ধরার কর্ণভার মন বেদনিলে,  
কার করপন্ন-স্পর্শে সারে সে বেদনা  
বরদার দয়াসম? হাত বুলাইলে,  
জননী, ব্যথিত দেহে, কোথা ব্যথা থাকে?  
এ কথা তোমার কাছে অবিন্দিত নহে।

## জীবিতাবস্থায় অনাদৃত কবিগণের সম্বন্ধে

ইতিহাস এ কথা কাঁদিয়া সদা বলে,  
জন্মভূমি ছেড়ে চল যাই পরদেশে।  
উরুপায় কবিগুরু ভিখারী আছিলি  
ওমর(অসভ্যকালে জন্ম তাঁর) যথা  
অমৃত সাগরতলে। কেহ না বুঝিল  
মূল্য সে মহামণির; কিন্তু যম যবে  
গ্রাসিল কবির দেহ, কিছু কাল পরে  
বাড়িল কলহ নানা নগরে; কহিল  
এ নগর ও নগরে, “আমার উদরে  
জনম গ্রহিয়াছিলি ওমর সুমতি।”  
আমাদের বালীকির এ দশা; কে জানে,  
কোন কুলে কোন স্থানে জন্মিলা সুমতি।

## পন্ডিতবর শ্রীযুক্ত ঈশ্বরচন্দ্র বিদ্যাসাগর

তনেছি লোকের মুখে পীড়িত আপনি  
হে ঈশ্বরচন্দ্র! বঙ্গে বিদ্যাতার বরে  
বিদ্যার সাগর তুমি; তব সম মণি,  
মলিনতা কেন কহ চাকে তার করে?  
বিধির কি বিধি সুরি, বুঝিতে না পারি,

## অসমাপ্ত কবিতা

### ব্রজাঙ্গনা কাব্য

অসম্পূর্ণ দ্বিতীয় সর্গ  
বিহার

১

সাজ, সাজ ব্রজাঙ্গনে, রঙ্গে তুরা করি।  
মণি, মুক্তা পর কেশে  
মেখলা লো কটিদেশে,  
বাঁধ লো নৃপুর পায়ে, কুসুমে কবরী।  
লেপ সুচন্দন দেহে,  
কি সাধে রহিবে গেহে?  
ওই গন, পুনঃ পুনঃ বাজিছে বাঁশরী।

১ শিখণ্ড-মুক্তি-শির—ময়ূরপুঙ্খ শোভিত শির।

হেন ফুলে কীট কেন পশিবারে পারে?  
করমনাশার স্রোত অপবিত্র বারি  
ঢালি জাহ্নবীর গুণ কি হেতু নিবারণে?  
বঙ্গের সুচূড়ামণি করে হে তোমারে  
সৃজিলা বিধাতা, তোমা জানে বঙ্গজনে;  
কোন পীড়ারূপ অরি বাণাঘাতে পারে  
বিধিতে, হে বঙ্গরত্ন; এ হেন রতনে?  
যে পীড়া ধনুক ধরি হেন বাণ হানে  
(রাক্ষসের রূপ ধরি), বুঝিতে কি পার,  
বিদীর্ণ বঙ্গের হিয়া সে নিষ্ঠুর বাণে?  
কবিপুত্র সহ মাতা কাঁদে বারম্বার।

## সমাধি-লিপি

দাঁড়াও, পথিক-বর, জন্ম যদি তব  
বঙ্গে! তিষ্ঠ ঋণকাল! এ সমাধিস্থলে  
(জননীর কোলে শিশু লভয়ে যেমতি  
বিরাম) মহীর পদে মহানিদ্রাবৃত  
দন্তকুলোদ্ভব কবি শ্রীমধুসূদন!  
যশোরে সাগরদাঁড়ী কবতক্ষ-তীরে  
জন্মভূমি, ত্রন্দুদাতা দন্ত মহামতি  
রাজনারায়ণ নামে, জননী জাহ্নবী!

২

নাচিছে লো নিভাধিনি, কদম্বের তলে।  
শিখণ্ড-মুক্তি-শির,  
ধীরে ধীরে শ্যাম ধীর,  
দুলিছে লো, বরগুঞ্জমালা বর-গলে।  
মেঘ সনে সৌদামিনী—  
সুম রূপে, লো কামিনি,  
ঝলে পীতধড়া-রূপে ঝল ঝল ঝলে।

৩

হৃদে কুমুদিনী এবে প্রফুল্ল ললনে,  
তব আশা-শশী আসি,  
শোভিছে নিকুঞ্জ হাসি,

কোন মৌনব্রতে তুমি শূন্য নিকেতনে।  
দেব-দৈত্য মিলি বলে,  
মথিলা সাগর-জলে,<sup>২</sup>  
যে সুধার লোভে, তাহা লভিবে সুন্দরি!  
সুধামাখা বিশ্বাধরে<sup>৩</sup>,  
আছে সুধা তব তরে,  
যাও নিতম্বিনি, তুমি অবিলম্বে বনে!

### বীরঙ্গনা কাব্য

[বীরঙ্গনা কাব্যের দ্বিতীয় খণ্ডের জন্য কবি কয়েকটি পত্র-কবিতা লিখতে আরম্ভ করেছিলেন। কিন্তু শেষ করতে পারেন নি। সেগুলি এখানে সন্নিবিষ্ট হল। সম্পাদক।]

### ধৃতরাষ্ট্রের প্রতি গান্ধারী

জন্মান্ত নৃমণি! তুমি এ বারতা পেয়ে  
দূতমুখে, অন্ধা হ'লো গান্ধারী কিঙ্করী  
আজি হ'তে। পতি তুমি; কি সাথে ভুঞ্জিব  
সে সুখ, যে সুখভোগে বঞ্চিতা বিধাতা  
তোমারে, হে প্রাণেশ্বর! আনিতেছে দাসী  
কাপড়, ভাঁজিয়া<sup>৪</sup> তাহে, সাত বার বেড়ি  
অক্ষিব<sup>৫</sup> এ চক্ষু দুটি কঠিন বন্ধনে,  
ভেজাইব দৃষ্টি-দ্বারে কবাট। ঘটিল,  
শিখিলা বিধি যা ভালে—আক্ষেপ না করি;  
করিলে, ত্যজিব কেন রাজ-অট্টালিকা;  
যাইতে যথায় তুমি দূর হস্তিনাতে?  
দেবাদেশে নরবর বরেছি তোমারে।

\* \* \* \*

আর না হেরিবে কভু দেব বিভাবসু  
তব বিভারশি<sup>৬</sup> দাসী এ ভবমভলে;  
তুমিও বিদায় কর, হে রোহিণীপতি<sup>৭</sup>,  
চারু চন্দ্র; তারাবৃন্দ তোমরা গো সবে।  
আর না হেরিব কভু সখীদলে মিলি  
প্রদোষে তোমা সকলে, রশ্মিবিশ্ব যেন  
অধরসাগরে, কিন্তু স্থিরকান্তি; যবে  
বহেন মলয়ানিল গহন বিপিনে  
বাসুকির ফণারূপ পর্যঙ্ক<sup>৮</sup> সুন্দরী—।

বসুন্ধরা, যান নিদ্রা নিঃশ্বাসি সৌরভে।  
হে নদী তরঙ্গময়, পবনের রিপু<sup>৯</sup>  
(যবে ঝড়াকারে তিনি আক্রমেন তোমা)  
হে নদী, পবনপ্রিয়া, সুগন্ধের সহ  
তোমার বদন আসি চুষেন পবন,  
হে উৎস গিরি-দুহিতা জননী মা তুমি;  
নদ, নদী আশীর্বাদ কর এ দাসীরে।  
গান্ধার-রাজনন্দিনী অন্ধা হলো আজি।  
আর না হেরিবে কভু হায় অভাগিনী  
তোমাদের প্রিয়মুখ। হে কুসুমকুল,  
ছিনু তোমাদের সখী, ছিনু লো ভগিনী,  
আজি স্নেহহীন হয়ে ছাড়িনু সবারে;  
স্নেহহীন এ কি কথা? ভুলিতে কি পারি?  
তোমা সবে? স্মৃতিশক্তি যত দিন রবে  
এ দেহে, স্মরিব আমি তোমা সবাকারে।

### অনিরুদ্ধের প্রতি উষা

বাণ-পুরাধিপ বাণ-দানব-নন্দিনী  
উষা, কুতাজলিপুটে নমে তব পদে,  
যদুবর!<sup>১০</sup> পত্রবাহ চিত্রলেখা সখী—  
দেখা যদি দেহ, দেব, কহিবে বিরলে।  
প্রাণের রহস্যকথা প্রাণের স্মরণে!  
অকুল পাথারে নাথ, চিরদিন ভাসি  
পাইয়াছি কুল এবে! এত দিনে বিধি  
দিয়াছেন দিন আজি দীন অধীনীরে!  
কি কহিনু? ক্ষম দেব, বিবশা এ দাসী  
হরষে, সরসে যথা হাসে কুমুদিনী,  
হেরিয়া আকাশদেশে দেব নিশানাথে  
চিরবাঙ্কু; চাতকিনী কুতুকিনী যথা  
মেঘের সুশ্যাম মূর্তি হেরি শূন্যপথে।  
তেমতি এ পোড়া প্রাণ নাচিছে পুলকে,  
আনন্দজনিত জল বহিছে নয়নে।  
দিয়াছি আদেশ নাথ সঙ্গিনী-সমূহে  
গাইছে মধুর গীত, মিলি তারা সবে  
বাজায়ে বিবিধ যন্ত্র। উষার হৃদয়ে  
আশালতা আজি উষা রোপিবে কৌতুকে  
তন এবে কহি দেব, অপূর্ব কাহিনী।

### যযাতির প্রতি শর্খিষ্ঠা

দৈত্যকুল-রাজবালা শর্খিষ্ঠা সুন্দরী  
বলিতে সোহাগে যারে, নরকুলরাজা  
তুমি, হে যযাতি, আজি ভিখারিণী হ'ল,  
ভবসুখে ভাগ্যদোষে দিয়া জলাঞ্জলি।  
দাবানলে দগ্ধ হেরি বন-গৃহ, যথা  
কুরঙ্গী শাবক সব সঙ্গে লয়ে চলে,  
না জানে আবার কোথা আশ্রয় পাইবে।  
হে রাজন! শিশুত্রয় লয়ে নিজে সাথে  
চলিল শর্খিষ্ঠা-দাসী কোথায় কে জানে  
আশ্রয় পাইবে তারা? মনে রেখ তুমি।  
নয়নের বারি পড়ি ভিজিতে লাগিল  
আঁচল, বুঝিয়া তবু দেখ প্রাণপতি,  
কে তুমি, কে আমি নাথ, কি হেতু আইনু  
দাসীরূপে তব গৃহে রাজবালা আমি?  
কি হেতু বা থেকে গেনু তোমার সদনে,  
দৈত্যকুল-রাজবালা আমি দাসীরূপে।

### নারায়ণের প্রতি লক্ষ্মী

আর কত দিন, সৌরি,<sup>১১</sup> জলধির গৃহে  
কাঁদিবে অধীনী রমা, কহ তা রমারে।  
না পশে, এ দেশে নাথ, রবিকররাশি,  
না শোভেন সুধানিধি সুধাংগু বিতরি;  
স্থিরপ্রভা ভাবে নিত্য ক্ষণপ্রভা রূপী।  
বিভা, জন্নি রত্নজালে উজলয়ে পুরী।  
তবুও, উপেন্দ্র, আজ ইন্দ্রিরা দুঃখিনী।  
বাম দামোদর<sup>১২</sup>; তুমি লয়েছ হে কাড়ি  
নয়নের মণি তার পাদপদ্ম তব।  
ধরি এ দাসীর কর ও কর-কমলে  
কহিলে দাসীরে যবে হে মধুরভাষী,  
“যাও প্রিয়ে, বৈনতেয় কুতাজলিপুটে—  
দেখ দাঁড়াইয়া ওই; বসি পৃষ্ঠাসনে  
যাও সিন্ধুতীরে আজি।” হায়! না জানিনু  
হইনু বৈকুণ্ঠচ্যুত দুর্কাসার রোষে।<sup>১৩</sup>

### নলের প্রতি দময়ন্তী

পঞ্চ দেবে বঞ্চিত সাধে স্বয়ম্বর-স্থলে  
পৃঞ্জিল রাজীব-পদ তব যে কিঙ্করী,  
নরেন্দ্র, বিজন বনে অর্ধ বস্ত্রাবৃত্তা

তাজিলে তুমি হে যারে, না জানি কি দোষে,  
নমে সে বৈদর্ভী<sup>১৪</sup> আজি তোমার চরণে।

### রিজিয়া

হা বিধি, অধীর আমি! অধীর কে কবে,  
এ পোড়া মনের জ্বালা জুড়াই কি দিয়া?  
হে স্মৃতি, কি হেতু যত পূর্বকথা কয়ে,  
দ্বিগুণিছ এ আশুন, জিজ্ঞাসি তোমারে!  
কি হেতু লো বিষদন্ত ফণিরূপ ধরি,  
মুহূর্মুহুঃ দংশে আজি জঙ্করি হৃদয়ে?  
কেমনে, লো দুষ্টা নারি, ভুলিলি নিষ্ঠুরে  
আমায়? সে পূর্ব সত্য, অঙ্গীকার যত,  
সে আদর, সে সোহাগ, সে ভাব কেমনে  
ভুলিল ও মন তোর, কে কবে আমারে?  
হায় লো সে প্রেমাকুর কি তাপে শুকাল?  
এ হেন সুবর্ণ-দেহে কি সুখে রাখিলি  
এ হেন দুরন্ত আত্মা, রে দুরাত্মা বিধি!  
এ হেন সুবর্ণময় মন্দিরে স্থাপিলি  
এ হেন কু-দেবতারে তুই কি কৌতুকে?  
কোথা পাব হেন মন্ত্র যার মহাবলে  
ভুলি তোরে, ভূত কাল, প্রমত্ত যেমতি  
বিস্মরে (সুরার তেজে, যা কিছু সে করে)  
জ্ঞানোদয়ে? রে মদন, প্রমত্ত করিলি  
মোরে প্রেম মদে তুই; ভূলা তবে এবে,  
ঘটিল যা কিছু, যবে ছিনু জ্ঞান-হীনে।  
এ মোর মনের দুঃখ কে আছে বুঝিবে?  
বন্ধুমাত্র মোর তুই, চল সিন্ধুদেশে,  
দেখিব কি থাকে ভাণ্ডে! হয়ত মরিব,  
এ মনাপ্তি নিবাইব ঢালি লহ-প্রোভে,  
নতুবা; রে মৃত্যু তোর নীরব সদনে  
ভুলিব এ মহাজ্বালা—দেখিব কি ঘটে!  
কি কাজ জীবনে আর! কমল বিহনে  
ভুবে অভিমানে জলে মুগাল, যদ্যপি  
হরে কেহ শিরোমণি, মরে ফণী শোকে।  
চূড়াশূন্য রথে চড়ি কোন বীর যুঝে?  
কি সাধ জীবনে আর? রে দারুণ বিধি,  
অমৃত যে ফলে, আজ বিষাক্ত করিলি  
সে ফলে? অনন্ত আয়ুদায়িনী সুধারে  
না পেয়ে, কি হলহল লভিনু মথিয়া

২ দেব-দৈত্য সমুদ্রমস্থল করে অমৃত তুলেছিল। এটি পৌরাণিক উপাখ্যান।

৩ বিশ্বাধর—যার ঠোঁট তেলাকুচার মত লাল।

৪ অক্ষ করব।

৫ পৌরাণিক বিশ্বাসমতে ঠান্ড রোহিণী প্রভৃতি নক্ষত্রমণ্ডলীর স্বামী।

৬ পবনের রিপু—বায়ু ও জলপতির নিত্যসংঘাতের কল্পনা গ্রীক পুরাণের প্রজাবল্লভ।

৭ যদুবর—অনিরুদ্ধ যদুবংশের সন্তান।

৮ ভাঁজ করে।

৯ কিরণরাশি।

১০ পর্যঙ্ক—খাট।

১১ সৌরি-বিষ্ণু।

১৩ পৌরাণিক প্রসঙ্গ।

১২ দামোদর—বিষ্ণু।

১৪ বৈদর্ভী—বিদর্ভদেশীয় রাজকন্যা।



অকুল সাগরে, হায় হিয়া জ্বলাইতে?  
হা ধিক্! হা ধিক্ তোরে নারীকুলাধমা!  
চন্ডালিনী ব্রহ্মকুলে তুই পানীয়সী,  
আর তোর পোড়া মুখ কভু না হেরিব,  
যত দিন নাহি পারি তোর যমরূপে  
আক্রমিতে রূপে তোরে বীরপরাক্রমে!  
ভেবেছিলাম লয়ে তোরে সোহাগে বাসরে  
কত যে লো ভালবাসি কব তোর কানে,  
বায়ু যথা ফুলদলে সায়ংকালে পেয়ে  
কাননে। সে প্রেমাশায় দিনু জলাঞ্জলি।  
সে সুবর্ণ আশালতা তুই লো নিষ্ঠুরা  
দাবানল-শিখারূপে নিষ্ঠুরে পোড়ালি!  
পশ্ রে বিবরে তোর, তুই কাল ফণী।

## তিলোত্তমা-সম্বল

(পুনর্লিখিত অংশ)

### প্রথম সর্গ

ধবল নামেতে খ্যাত হিমাদ্রির শিরে  
দেবাত্মা, ভীষণ-মূর্তি, অস্ত্র-ভেদনী গিরি,  
অটল, ধবল-কায়; ব্যোমকেশ যেন  
উর্ধ্ববাহু ভঙ্গ-বেশে, মজি চিরযোগে,  
যোগী-কুলে পূজ্য যোগী!—কি নিকুঞ্জ-রাজী,  
কি তরু, কি লতা, কিবা ফুল-ফুলাবলী,  
আর আর শৈল-শিরে শোভে যা, মঞ্জরি  
মরকত-ময় স্বর্ণ-কিরীটের রূপে;  
না পরেন অচলেত্র অবহেলি সবে,  
বিমুখ ভবের সুখে ভব-ইন্দ্র যেন  
জিতেদ্রিয়! সুনাদিনী বিহঙ্গিনী যত,  
বিহঙ্গম সু-নিদাদী, অলি মধু-লোভী,  
কভু নাহি ভ্রমে তথা; সিংহ—বনরাজা,—  
বন-লভভক্ত-কারী শুভধর করী,—  
গভার, শার্দূল, কপি,—বন-বাসী পশু,—  
সুলোচনা কুরঙ্গিনী, বন-কমলিনী,—  
ফণিনী কুম্বলে মণি, ফণী বিষ-ভরা,  
না যায় নিকটে তাঁর—বিকট-শেখরী!  
সতত, তিমিরময়, গভীর গহ্বরে,  
কোলাহলে জল-দল মহা কোলাহলে,  
ভোগবতী স্রোতস্বতী পতালে যেমতি  
কল্লোলিনী! বহে বায়ু ভৈরব আরবে,  
মহা কোপে লয়-রূপে, পূর্ণ তমোগুণে,  
নিশ্বাস ছাড়েন যেন সর্ক-নাশ-কারী!

কি দানব, কি মানব, যক্ষ, রক্ষঃ, বলী,  
কি দানবী, কি মানবী, কিবা নিশাচরী,  
সকলেরি অগম্য—দুর্গম দুর্গ যেন!  
দিবা নিশি মেঘ-রাশি উড়ে চারি দিকে,  
ভূতেশের সঙ্গে ভূত নাচে রঙ্গে যেন।

এহেন বিজন স্থানে দেব-কুল-পতি  
বাসব, বসিয়া কেন একাকী, তা কহ,  
পঞ্চজ-বাসিনী দেবি, এ তব কিঙ্করে?  
সুরাসুর সহ অহি অনন্ত, যে বলে  
আনন্দে মন্দারে বাঁধি, সিদ্ধুরে মথিলা  
অমৃত-রসের আশে—সেই বল-সম  
যাচি কৃপা, কর দয়া আজি অকিঞ্চনে,  
বাগদেবি! যতনে মথি বাক্যের সাগরে,  
কবিতার সুধা যেন পাই তব বলে!  
কর দয়া অভাজনে, বিশ্ব-বিমোহিনি!  
অসীম মহিমা তব, হায়, নীন আমি,—  
কিন্তু যে চন্ডের বাস চন্দ্রচূড় চূড়ে,  
জননি, শিশির-বিন্দু ক্ষুদ্র ফুল-দলে  
লভে না কি আভা কভু তাঁর শোভা হতে?

কোথা সে ত্রিদিব, যার ভোগ লভিবারে,  
কঠোর তপস্যা নর করে যুগে যুগে,  
কত শত নরপতি বত অশ্বমেধে,  
সগর রাজার বংশ ধ্বংস, মা, যে লোভে?  
কোথা সে অমরাবতী—পূর্ণ চির-সুখে?  
কোথা বৈজয়ন্ত-ধাম, রত্নময়ী পুরী,  
মলিন প্রভায় যার প্রভাকর ভানু?  
কোথায় সে রাজ-ছত্র, রাজাসন কোথা,  
রবি-পরিধির আভা মেরু-শৈলোপরি!  
কোথায় নন্দন-বন, বসন্ত যে বনে  
বিরাজেন নিত্য সুখে? পারিজাত কোথা,  
অক্ষয়-লাবণ্য ফুল? ঋষি-মনোহরা  
কোথা সে উর্ধ্বশী, কহ? কোথা চিত্রলেখা,  
জগত-জনের চিত্তে লেখা বিধুমুখী?  
অলকা, তিলকা, রত্না, ভুবন-মোহিনী?  
মিশ্রকেশী, যার চারু কেশ দিয়া গড়ি  
নিগড়, বাঁধেন কাম স্বর্ণ-বাসী জনে?  
কোথায় কিন্নর, কোথা বিদ্যাধর যত?  
গন্ধর্ব, মদন-দর্ক খর্ব যার রূপে,—  
গন্ধর্ব-কুলের রাজা চিত্ররথ রথী,  
কামিনীর মনোরথ, নিত্য অরি-দমী  
দৈত্য-রণে? কোথা, মা, সে ভীষণ অশনি,  
যার দ্রুত ইরমদে, গভীর গর্জনে,

দেব-কলেবর কাঁপে ধর ধর করি,  
ভূধর অধীর ভয়ে, ভুবন চমকে  
আতঙ্কে? কোথা সে ধনুঃ, ধনুঃ-কুল-মণি  
আভাময়, যার চারু রত্ন-কান্তি-ছটা  
নব নীরদের শিরে ধরে শোভা, যথা  
শিখীর পুষ্পের চূড়া রাখালের শিরে?  
কোথায় পুষ্পর, কোথা আবর্জক, দেবি,  
ঘনেশ্বর? কোথা, কহ, সারথি মাতলি?  
কোথা সে সুবর্ণ-রথ, মনোরথ-গতি,  
যার ছিরপ্রভা দেখি ঋণ-প্রভা লাজে  
অস্থিরা, লুকায় মুখ, ঋণ দিয়া দেখা,  
(কাদম্বিনী স্বর্জনীর গলা ধরি কাঁদি)  
অথরে? কোথায় আজি ঐরাবত বলী,  
গজেন্দ্র? কোথায় হয় উচ্চৈশ্রবা, কহ,  
হয়েশ্বর, আতঙ্কতি যথা আতঙ্কতি?  
কোথায় পৌলোমী সতী অনন্ত-যৌবনা,  
দেবেশ্বর-রুদয়-সরে প্রফুল্ল নলিনী,  
ত্রিদিব-লোচনানন্দ, আয়ত-শোচনা  
রূপসী? কোথায় এবে স্বর্ণ-কল্পতরু,  
কামদা বিধাতা যথা; যে তরুণ পদে,  
আনন্দে নন্দন-বনে দেবী মন্দাকিনী  
বহেন, বিমল-আভা, কল কল রবে?  
কোথা মূর্তিমন্তী রাগ, ছত্রিশ রাগিনী  
মূর্তিমন্তী-নিত্য যারা সেবিত দেবেশে?  
সে দেব-বিভব সব কোথা, কহ, এবে,  
কোথা সে দেব-মহিমা—দেবি বীণাপাণি?

দুরন্ত দানব-ঘর, দৈব-বলে বলী,  
বিমুখি সমুখ রূপে দেব দেব-রাজে,  
পুরি দেবরাজ-পুরী ঘোর কোলাহলে,  
লুটি দেবরাজ-পুর-বৈভব, বিনাশি  
(ঘেঘ-বিঘে জ্বলি) হায়, দেব-রাজ-পুরে  
সে পুরের অলঙ্কার, অহঙ্কারে আজি  
বসিয়াছে রাজাসনে দেব-রাজ-ধামে  
গামর! যেমতি শ্বাস রুদ্রের, প্রলয়ে  
বাতময়, উথলিয়ে জল-সমাকুলে,  
প্রবল তরঙ্গ-দল, অবহেলি রোধে,  
ধরার কবরী হতে ছিড়ি লয় কাড়ি  
সুবর্ণ কুসুম-দাম; যে সুন্দর বপুঃ  
আনন্দে মদন-সখা সাজান আপনি  
দিয়া নানা ফুল-সাজ; সে সুন্দর বপুঃ  
ফুল-সাজ-শূন্য বন্যা করে অনাদরে,—  
গভীর হৃদয়ে পশে রমা বন-স্থলে!

মধুসূদন কাব্য—১৫

ষাদশ বৎসর যুধি দিতিজারি যত,  
দুর্জয় দিতিজ-ভুজ-প্রতাপে তাপিয়া  
(হীন-বল দৈব-বলে) ভঙ্গ দিলা রূপে  
আতঙ্কে। দাবাগ্নি যথা, সঙ্গে সখা বায়ু,  
হৃদ্বারে প্রবেশিলে গহন কাননে,  
হেরি ভীম শিখা-পুঞ্জ ধূম-পুঞ্জ মাঝে,  
চন্ড মুক্ত-মালিনীর লোল জিহ্বা যেন  
(রক্ত-বীজ-কুল-কাল!) আঁক রক্ত-রসে;  
পরমাদ গণি মনে পলায় কেশরী  
মুগেন্দ্র; করীন্দ্র-বৃন্দ পলায় তরাসে  
উর্ধ্বস্থান; মৃগাদন ধায় বায়ু-বেগে;  
কুরঙ্গ সুশৃঙ্গধর, ভুজঙ্গ গৌদিকে  
পলায়; পলায় শূন্যে বিহঙ্গম উড়ি;  
পলায় মহিষ-দল, রোষে রাজ্য আঁধি,  
কোলাহলে পুরি দেশ ক্ষিতি টলমলি;  
পলায় গভার, বন লভভক্ত করি  
পলায়নে; ধায় বাঘ; ধায় প্রাণ লয়ে  
ভয়ুক বিকটাকার; আর পশু যত  
বলবন্ত, কিন্তু ভয়ে বলশূন্য এবে;—  
অব্যর্থ কুলিশে ব্যর্থ হেরি সে সমরে,  
পলাইলা পরিহরি সমর কুলিনী  
পুরন্দর; পলাইলা জল-দল-পতি  
পানী, সর্কনাশী পাশে হেরি (দৈব-বলে)  
ত্রিয়মাণ, মহোরগ যেন মন্ত্র-তেজে!  
পলাইলা ঝড়াকারে বায়ু-কল-পতি;  
পলাইলা শিখি-পৃষ্ঠে শিখিধ্বজ রথী  
সেনানী; মহিষাসনে সর্ক-অস্ত-কারী  
কৃতান্ত, কৃতান্ত-দূতে হেরিলে যেমতি  
সহসা, পলায় প্রাণী প্রাণ বাঁচাইতে!  
পলাইলা গদাধারী অলকার পতি,  
ব্যর্থ গদা হাতে, হায় দুর্ব্যোধন যথা  
মিত্র ঋত-শূন্য দেখি কুরুক্ষেত্রে, গেলা  
(বিঘ্নাদে নিশ্বাসি ঘন!) জলাশয় পানে,  
একাকী, সহায়-হীন!— পলাইলা এবে  
দেবগণ, রণভূমি ত্যজি অভিমানে;  
পুরিল জগত দৈত্য জয় জয় নামে  
বসিল দেবারি দুই দেব-রাজাসনে,  
হর-কোপানল যেন, মদনে দহিয়া,  
বিরহ-অনল-রূপে, ভৈরবে বেড়িল  
রতির কোমল হিয়া, হায়, পোড়াইতে  
সে হিয়া, কেন না রতি স্থাপি সে মন্দিরে  
নিত্যানন্দ মদনের মূর্তি, সুন্দরী

পূজেন আদরে, শ্রেম-ফুলাঞ্জলি দিয়া।  
সুখ উপস্বাস্যসুর, স্বপ্নি সুর সহ  
লভভক্ত করিল অখিল কুমতলে। ইত্যাদি—

### ভারত-বৃত্তান্ত শ্রীপদীশয়ন

কেমনে রথীন্দ্র পার্শ্ব হবলে লভিলা  
পরভবি রাজবৃন্দে চাকচন্দ্রাননা  
কৃষ্ণায়, নবীন ছন্দে সে মহাকাহিনী  
কহিবে নবীন কবি বঙ্গবাসী জনে,  
বাগ্‌দেবি! দাসেরে যদি কৃপা কর তুমি।  
না জানি ভকতি কুতি, না জানি কি করে  
আরাধি হে বিশ্বারাধ্যা তোমায়; না জানি  
কি ভাবে মনের ভাব নিবেদি ও পদে!  
কিন্তু মার গ্রাণ কতু নারে কি বুদ্ধিতে  
শিতর মনের সাধ, যদিও না ফুটে  
কথা তার? উর ভবে, উর মা, আসরে।  
আইস মা এ প্রবাসে বঙ্গের সঙ্গীতে  
জুড়াই বিরহজ্বালা, বিহঙ্গম যথা  
রঙ্গহীন কুপিঞ্জরে কতু কতু তুলে  
কারাগারদুখ সাধি কুঞ্জবনধরে।  
সত্যবতীসতীসুত, হে গুরু, ভারতে  
কবিতা-সুধার সরে বিকচিত চির  
কমল দ্বিতীয় তুমি; কৃতাঞ্জলিপুটে  
শ্রমে চরণে দাস, দয়া কর দাসে।  
হায় নরাদম আমি! ভরি গো পশিতে  
যথায় কমলাসনে আসীনা দেউলে  
ভারতী; তেঁই হে ডাকি দাঁড়ারে দুয়ারে,  
আচার্য্য। আইস শীঘ্র দ্বিজোত্তম সুরি।  
দাসের বাসনা, ফুলে পুঞ্জি জননীয়ে,  
বর চাহি দেহ স্বাস, এই বর মাগি।

গজীর সুভঙ্গপথে চলিলা শীরবে  
পঞ্চ ভাই সঙ্গে সতী ভোজেন্দ্রনন্দিনী  
কুন্তী; স্বরচিত-গৃহে মরিল দুর্গতি  
পুরোচন; \* \* \*

### শ্রীপদীশয়ন

কেমনে রথীন্দ্র পার্শ্ব পরভবি রণে  
লক্ষ রণসিংহ শূরে পাঞ্চাল নগরে

লভিলা দ্রুপদবালা কৃষ্ণা মহাধনে,  
দেবের অসাধ্য কৰ্ম সাধি দেববরে,—  
গাইব সে মহাগীত। এ শিক্ষা চরণে,  
বাগ্‌দেবি! গাইব মা গো নব মধুধরে,  
কর দয়া, চিরদাস নমে পদাঙ্কজে,  
দয়ার আসরে উর, দেবি শ্বেতকুঞ্জ!

বিধিলা লক্ষ্যে পার্শ্ব, আকাশে অক্ষরী,  
গাইল বিজয়গীত, পুষ্পবৃষ্টি করি  
আকাশসমুদ্রা দেবী সরস্বতী আসি  
কহিলা এ সব কথা কৃষ্ণারে সজাষি।  
গো পঞ্চালরাজসুতা কৃষ্ণা গণবতি,  
তব প্রতি সুশ্রমু আজি প্রজ্ঞাপতি।  
এত দিনে ফুটিল গো বিবাহের ফুল।  
পেরেছ সুন্দরি! স্বামী ভুবনে অতুল।  
তেন কি উহারে উনি কোন মহামতি,  
কত গুণে গণবানু জানো কি গো সতি?  
না চেনো না জানো যদি তন দিয়া মন,  
ছদ্মবেশী উনি ধনি, নহেন ব্রাহ্মণ।  
অত্যাচ ভারতবংশিনেরে শিরোমণি  
কুন্তীর হৃদয়নিধি বিখ্যাত ফাছুনি।  
ভাঙ্গরাশি মাঝে যথা সুগু হত্যাশন  
সেইরূপ ক্ষত্রতেজ আছিল গোপন।  
আগ্নেয়গিরির গর্ভ করি বিদারণ।  
যথা বেগে বাহিরের ভীম হত্যাশন,  
অথবা ভেদিয়া যথা পূরব গগন  
সহসা আকাশে পোড়ে জ্বলন্ত তপন,  
সেইরূপ এতদিনে পাইয়া সময়,  
লুণ্ড ক্ষত্রতেজ বিহু হইল উদয়।

### মৎসগঙ্গা

চেয়ে দেখ, মোর পানে কলকল্লোলিনি  
যমুনে! দেখিলা, কহ, তনি তব মুখে,  
বিধুমুখি, আছে কি গো অখিল জগতে,  
দুর্গখিনী দাসীর সম? কেন যে সৃজিলা,—  
কি হেতু বিধাতা, মোরে, বুদ্ধিবে কেমনে?  
তরুণ যৌবন মোর! না পারি লড়িতে  
পোড়া নিতম্বের ভরে! কবরীবন্ধন  
খুলি যদি, পোড়া চুল পড়ে ভূমিতলে!  
কিছু, কে চাহিয়া কবে দেখে মোর পানে?

না বসে গুঞ্জরি সবি শিলীমুখ যথা  
শ্বেতাশ্বরা ধৃতুরার নীরস অধরে,  
হেরি অভাগীরে দূরে ফিরে অধোমুখে  
যুবকুল; কাঁদি আমি বসি গো বিরলে!

### সুভদ্রা-হরণ প্রথম সর্গ

কেমনে ফাছুনি শূর স্বগুণে লভিলা  
(পরভবি যদু-বৃন্দে) চাক-চন্দ্রাননা  
ভদ্রায়;— নবীন ছন্দে সে মহাকাহিনী  
কহিবে নবীন কবি বঙ্গবাসী জনে  
বাগ্‌দেবি, দাসেরে যদি কৃপা কর তুমি।  
না জানি ভকতি, কুতি; না জানি কি করে,  
আরাধি, হে বিশ্বারাধ্যা তোমায়; না জানি  
কি ভাবে মনের ভাব নিবেদি ও পদে!  
কিন্তু মার গ্রাণ কতু নারে কি বুদ্ধিতে  
শিতর মনের সাধ, যদিও না ফুটে  
কথা তার? কৃপা করি উর গো আসরে।  
আইস, মা, এ প্রবাসে, বঙ্গের সঙ্গীতে।  
জুড়াই বিরহ-জ্বালা, বিহঙ্গম যথা  
কারাবদ্ধ শিজিরায়, কতু কতু তুলে  
কারাগার-দুখ, স্বরি নিকুঞ্জের ধরে!  
ইন্দ্রপ্রস্থে পঞ্চ ভাই পাঞ্চালীরে লয়ে  
কৌতুকে করিলা বাস। আদরে ইন্দ্রিয়া  
(জগত-আনন্দময়ী) নব-রাজ-পুরে  
উরিলা; লাগিল নিত্য বাড়িতে চৌদিকে  
রাজ-শ্রী, শ্রীবরদার পদের প্রসাদে!—  
এ মঙ্গলবার্তা শুনি নারদের মুখে  
শচী, বরাদনা দেবী, বৈজয়ন্ত-ধামে  
রুমিলা। জ্বলিল পুনঃ পূর্বকথা স্বরি,  
দাবানল-রূপ রোষ হিয়া-রূপ বনে,  
দগধি পরাণ তাপে! "হা ধিক্!"—ভাবিলা  
বিরলে মানিনী মনে—"ধিক্ রে আমারে!  
আর কি মানিবে কেহ এ তিন ভুবনে  
অভাগিনী ইন্দ্রাণীরে? কেন তাকে দিলি  
অনন্ত-যৌবন-কান্তি, তুই, পোড়া বিধি  
হায়, করে কব দুখ? মোরে অপমানি,  
ভোজ-রাজ-বালা কুন্তী—কুল-কলঙ্কিনী,—  
পাণীয়সী— তার মান বাড়ান কুলিশী?  
যৌবন-কুহকে, ধিক্, যে ব্যভিচারিনী  
মঞ্জাইল দেব-রাজে, মোরে লাজ দিয়া।

অর্জুন—জারজ তার—নাহি কি শক্তি  
আমার—ইন্দ্রাণী আমি—মারি সে অর্জুনে,  
এ পোড়া চখের বালি?—সূর্য্যোধনে দিয়া  
গড়াইনু জতুগৃহ; সে ফাঁদ এড়িয়ে  
লক্ষ্য বিধি, লক্ষ রাজে বিমুখি সমরে  
পাঞ্চালীরে মন্দমতি লভিল পঞ্চালে।  
অহিত সাধিতে, দেখ, হতাশ হইনু  
আমি, ভাগ্য-গুণে তার!— কি ভাগ্য?  
কে জানে?

কোন দেবতার বলে বলী ও ফাছুনি?  
বুঝি বা সহায় তার আপনি গোপনে  
দেবেন্দ্র? হে ধর্ম, তুমি পার কি সহিতে  
এ আচার চরাচরে? কি বিচার তব?  
উপপত্তী কুন্তীর জারজ পুত্র প্রতি  
এ যত্ন? করে কব এ দুখের কথা—  
"তার বা শরণ, হায়, লব এ বিপদে?"  
কঙ্কণ-মণ্ডিত বাহ হানিলা লগাটে  
লগনা! দুকূল সাড়ী তিত্তি গলগলে  
বহিল আঁখির জল, শিশির যেমতি  
হিমকালে পড়ি আর্দ্রে কমলের দলে!  
"যাইব কলির কাছে" আবার ভাবিলা  
মানিনী—"কুটিল কলি খ্যাত ত্রিভুবনে,—  
এ পোড়া মনের দুঃখ কব তার কাছে,  
এ পোড়া মনের দুখ সে যদি না পারে  
জুড়াতে কৌশল করি, কে আর জুড়াবে?  
যায় যদি মান, যাক! আর কি তার আছে?"  
ইত্যাদি।

### পান্ডব বিজয়

কেমনে সংহারি রণে কুরুকুলরাজে,  
কুরুকুল-রাজাসন লভিলা স্বাপরে  
ধর্মরাজ;— সে কাহিনী, সে মহাকাহিনী,  
নব রঙ্গে বঙ্গজনে, উরি এ আসরে,  
কহ, দেবি! গিরি-গৃহে সুকালে জনমি  
(আকাশ-সমুদ্রা ধাত্রী কাদম্বিনী দিলে  
স্তনামৃতরূপে বারি) প্রবাহ যেমতি  
বহি, ধায় সিন্ধুমুখে, বদরিকাশ্রমে,  
ও পদ-পালনে পুষ্ট কবি-মনঃ, পুনঃ  
চলিল, হে কবি মাতঃ, যশের উদ্দেশে।  
যথা সে নদের মুখে সুমধুর ধনি,  
বাহে সে সঙ্গীতে যবে মঞ্জু কুঞ্জান্তরে

\* কবি শিরোনামে স্থান ও তারিখ উল্লেখ করেছেন—Versailles, 9th September, 1863.

সমদেশে; কিন্তু ঘোর কল্লোল, যেখানে  
শিলাময় স্থল রোধে অবিরলগতি;—  
দাসের রসনা আসি রস নানা রসে,  
কড় রৌদ্রে, কড় বীরে, কড় বা করুণে—  
দেহ ফুলশরাসন, পঙ্কফুলশরে ।

### দুর্যোধনের মৃত্যু

“দেখ, দেব, দেখ চেয়ে”, কাতরে কহিলা  
কুরুরাজ কৃপাচার্য্যে,—“আসিছেন ধীরে  
নিশীথিনী; নাহি তারা কবরী-বন্ধনে,—  
না শোভে ললাটদেশে চাক্র নিশামণি!  
শিবির-বাহিরে মোরে লহ কৃপা করি,  
মহারথ! রাখ লয়ে যথায় ঝরিবে  
এ ভূনত-শিরে এবে শিশিরের ধারা,  
ঝরে যথা শিশুশিরে অবিরল বহি  
জননীর অশ্রুজল, কালগ্রাসে যবে  
সে শিশু ।” লইয়া সবে ধরাধরি করি  
শিবির বাহিরে শূরে—ভগ্ন-উরু রণে!

মহাযত্নে কৃপাচার্য্য পাতিল ভূতলে  
উত্তরী । বিষাদে হাসি কহিলা নৃমণি;—  
“কার হেতু এ সুশয্যা, কৃপাচার্য্য রথি?  
পড়ি নি ভূতলে, প্রভু, মাতৃগর্ভ ত্যজি;—  
সেই বাল্যাসন ভিন্ন কি আসন সাজে  
অস্ত্রমে? উঠাও বস্ত্র, বসি হে ভূতলে!  
কি শয্যায় সুগু আজি কুরুবীর্য্যরূপী  
গাঙ্গেয়? কোথায় গুরু দ্রোণাচার্য্য রথী,  
কোথা অন্নপতি কর্ণ? আর রাজা যত  
ক্ষত্র-ক্ষেত্র-পুষ্প, দেব! কি সাথে বসিবে  
এ হেন শয্যায় হেথা দুর্যোধন আজি?  
যথা বনমাঝে বহি জ্বলি নিশায়োগে  
আকর্ষি পতঙ্গচয়ে, ভস্মেন তা সবে  
সর্ব্বভুঙ্—রাজদলে আহ্বানি এ রণে—  
বিনাশিনু আমি, দেব! নিঃক্ষত্র করি নি  
ক্ষত্রপূর্ণ কর্ণক্ষেত্র নিজ কর্ণদোষে ।  
কি কাজ আমার আর বৃথা সুখভোগে?  
নির্বাণ পাবক আমি, তেজশূন্য, বলি!  
ভস্মমাত্র! এ যতন বৃথা কেন তব!”

সরায়ে উত্তরী শূর বসিলা ভূতলে ।  
নিকটে বসিলা কৃপ কৃতবর্ষ্য রথী  
বিষাদে নীরব দৌহে;— আসি নিশীথিনী,  
মেঘরূপ ঘোমটায় বদন আবরি,  
উচ্চ বায়ু-রূপ স্বাসে সঘনে নিশ্বাসি;—

বৃষ্টি-হলে অশ্রুবরি ফেলিলা ভূতলে ।  
কাতরে কহিলা চাহি কৃতবর্ষ্য পানে  
রাজেন্দ্র; “এ হেন ক্ষেত্রে, ক্ষত্রচূড়ামণি,  
ক্ষত্র-কুলোদ্ভব, কহ, কে আছে ভারতে,  
যে না ইচ্ছে মরিবারে? যেখানে, যে কালে  
আক্রমেন যমরাজ; সমপীড়া-দায়ী  
দণ্ড তাঁর,—রাজপুরে, কি ক্ষুদ্র কুটীরে,  
সম ভয়ঙ্কর প্রভু, সে ভীম মূর্তি!  
কিন্তু হেন স্থলে তাঁরে আতঙ্ক না করি  
আমি!—এই সাধ ছিল চিরকাল মনে!  
যে স্তম্ভের বলে, শির উঠায় আকাশে  
উচ্চ রাজ-অট্টালিকা, সে স্তম্ভের রূপে  
ক্ষত্রকুল-অট্টালিকা ধরিনু স্ববলে  
ভূভারতে । ভূপতিত এবে কালে আমি;  
দেখ চেয়ে চারি দিকে ভগ্ন শত ভাগে  
সে সুঅট্টালিকা চূর্ণ এ মোর পতনে!  
গড়ায় এক্ষেত্রে পড়ি গৃহচূড়া কত!  
আর যত অলঙ্কার—কার সাধ্য গণে?  
কিন্তু চেয়ে দেখ সবে, কি আশ্চর্য্য! দেখ—  
রুকভ বরণে দেখ, সহসা আকাশে  
উদিছেন এ পৌরব বংশ-আদি যিনি,  
নিশানাথ! দুর্যোধনে ভূশয্যায় হেরি  
কুবরণ হইলা কি শোকে সুধানিধি?”  
পাতব-শিবির পানে ক্ষণেক নিরখি  
উত্তরীলা কৃপাচার্য্য;—“হে কৌরবপতি,  
নহে চন্দ্র যাহা, রাজা, দেখিছ আকাশে,  
কিন্তু বৈজয়ন্তী তব সর্ব্বভুঙ্করূপে!  
রিপুকুলচিতা, দেব, জুলিয়া উঠিল ।  
কি বিষাদ আর তবে? মরিছে শিবিরে  
অগ্নি-তাপে ছটফটি ভীম দুষ্টমতি;  
পুড়িছে অর্জুন, রায়, তার শরানলে,  
পুড়িল যেমতি হেথা সৈন্যদল তব!  
অস্ত্রমে পিতায় স্বরে যুধিষ্ঠির এবে;  
নকুল ব্যাকুলচিত সহদেব সহ!  
আর আর বীর যত এ কাল সমরে  
পাইয়াছে রক্ষা যারা, দাবদঙ্ক বনে  
আশে পাশে তরু যথা;— দেখ মহামতি!”

### সিংহল-বিজয়

স্বর্ণসৌধ সুধাধরা যক্ষেন্দ্রমোহিনী  
বুরজা, গুনি সে ধনি অলকা নগরে,  
বিস্ময়ে সাগর পানে নিরখি, দেখিলা

ভাসিছে সুন্দর ডিঙ্গা, উড়িছে আকাশে  
পতাকা, মঙ্গলবাদ্য বাজিছে চৌদিকে!  
রুমি সতী শশিমুখী সখীরে কহিলা;—  
হেদে দেখ, শশিমুখি, আঁখি দুটি খুলি,  
চলিছে সিংহলে ওই রাজ্যলাভ-লোভে  
বিজয়, স্বদেশ ছাড়ি লক্ষীর আদেশে!  
কি লজ্জা! থাকিতে প্রাণ না দিব লইতে  
রাজ্য গুরে আমি, সই! উদ্যানস্বরূপে  
সাজানু সিংহলে কি লো দিতে পরজনে?  
জ্বলে রাগে দেহ, যদি স্বরি শশিমুখি,  
কমলার অহঙ্কার; দেখিব কেমনে  
স্বদাসে আমার দেশ দানেন ইন্দ্রিরা?  
জলধি জনক তাঁর; তেঁই শাস্ত তিনি  
উপরোধে । যা, লো সই, ডাক সারথিরে  
আনিতে পুষ্পক হেথা । বিরাজেন যথা  
বায়ুরাজ, যাব আজি; প্রভঞ্নে লয়ে  
বাধাব জঞ্জাল, পরে দেখিব কি ঘটে?

স্বর্ণতেজঃপুঞ্জ রথ আইল দুয়ারে  
ঘর্ষরি । হেবিল অশ্ব, পদ-আক্ষালনে  
সৃজি বিস্কুলিস্বন্দে । চড়িলা স্যন্দনে  
আনন্দে সুন্দরী, সাজি বিমোহন সাজে!

### দেবদানবীয়ম্

#### মহাকাব্য

#### প্রথম সর্গঃ

কাব্যোক্তানি রচিবারে চাহি,  
কহো কি ছন্দঃ পছন্দ, দেবি!  
কহো কি ছন্দঃ মনানন্দ দেবে  
মনীষবৃন্দে এসুবঙ্গদেশে?  
তোমার বীণা দেহ মোর হাতে,  
বাজাইয়া তায় যশস্বী হবো,  
অমৃতরূপে তব কৃপাবারি  
দেহো জননি গো, ঢালি এ পেটে!

www.internet.com